

四庫全書

集部

欽定四庫全書

集部

閩風集卷三至五

詳校官庶吉士_臣張溥

主事_臣呂雲棟覆勘

謄錄監生_臣范重榮

謄錄監生_臣章儔

謄錄貢生_臣程廷璋

欽定四庫全書

閩風集卷三

宋 舒岳祥 撰

五言律詩

槐花

尊貴三公府，匆忙舉子裝。
周官那可見，唐制自難忘。
夕照深宮裏，西風大道旁。
蟬鳴猶未悟，但報早秋涼。

有由婦獻水，麥甚美。不知溲沱玉食，曾有此否。

感懷作詩

牟麥未全黃和灰熟煮香嚼來冰響齒嚙下露生吮肉
似雞頭韌形疑鱉子長食芹應配美吾欲獻君王

喜食新麥

亂後歸田好殘生似可延餘花戀餘景新麥起新烟畝
澮藏科斗園林帶杜鵑妻孥共甘苦一醉慰饑年

春日懷帥初

夜雨流如澗春風響似雷千愁芳草遠一笑百花開白
髮癡貪酒昏眸懶上臺懷人不可見應棹剡船回

八月十九日得董正翁寺丞書兵疫後城中故
舊十喪八九愴懷久之顧我已多幸矣

黃菊一瓶酒青山四壁書吾年餘幾許天意復何如寒
日沙禽並風霜野果踈山城詢故舊十九是丘墟

溪上小憩

鵲立碧峯遠雞啼清晝寬青苔留客醉白髮借書看方
枕藤花軟一瓶丹井寒此時無二事藜杖共盤桓

種麥後栽補桑柘至田家憩息

桑柘踈時補篁茅密處刪水邊黃葉路雨外夕陽山一
鳥自啼足兩牛相對閑山翁留壁記子丑話時艱

有懷寄二林

去矣兩黃鵠歸與一老翁秋蟲陰雨裏夕鳥水雲中今
古唯愁在乾坤總幻空詩成無寄處沙上竚來鴻

有懷寄正仲

往事沄沄逝新愁袞袞生風來看木末月上候潮聲偶
鳥分枝泊鄰蛩護穴鳴洗憂思學易聞爾著書成

百年

流水故人盡荒村落葉多空餘老叟鏢全是病維摩齒
落不知味眼花應有魔百年聊爾爾千載欲如何

與正仲同遊故園

向老工詩句殘春盡樹花君來相映發吾得減咨嗟著
帽風前側揮毫醉後斜避塵如避虎籬外便雲遮

題正仲真遊園

借問真遊趣華胥路不賒青黃隨澗柳紅白任巖花適

意絃歌鳥無私鼓吹蛙秋風榛子熟撒電散林鴉

曉寒獨立紅茶花下

長物烏皮几宜人白氎裘曉霜花口噤午雨柳綿收

柳絮

正午時飛晴則放陰則收

毛髮匆匆變光陰冉冉休直須瓜熟長

枕卧清秋

予以六月初六日可替里役

田家即事

飽暖無他事天心亦易迴纚車翻急瀑麥磨響輕雷履
辟行泥笋衣蒸過雨梅荒村斲魚肉隨興酌山杯

燈花

衆花皆可喜最好是燈花好結無風屋偏生有慶家
案頭生瑞菌火裏養丹砂清夜開樽看山人被詔加

前詠諸花皆托物以賦者爾未若眼花乃吾身
之花也率成一律

春去花亦去何如見此花青山飛靄合白日亂烟遮
望月惟昏鏡看書似隔紗瀟湘聞夜雨此景屬誰家

己丑正月二十四日避地鹽禧入省坑存思庵

和舊韻

到此于今四情深即故鄉新松知改徑舊竹不依行平
施天猶病周回日載陽鄰人餽雞黍厚意未能償

雪蕤羊羔白松芽栗肉黃

舊京有黃芽菜

為誰端有此正爾未

能忘覺後心無愠修來面有光道人參妙趣一炷石鑪
香

七月望日避地省坑存思庵留題時章林出白
石可為水晶有旨差路縣官同金玉提舉差夫

取鑿又宿兵守之吏卒旁午指予為上戶求雞
羊酒米油鐵無以應其求且不堪其屢也來避
于此予念自丁丑之亂至此凡三避矣僧舊屋
更新悵然有感因賦之

去家無十里過嶺即他鄉避地身三到傷時淚數行高
簷齊古樹新屋背斜陽我欲相鄰住青山志未償

會計家釀得十石日飲三升可周一歲是日一
飲成醉

朱朱石榴樹白白水梔花振鷺青溪客遷鶯碧柳家衰
年新旅食小雨夢京華貧有杯中物賓來未用賒

收心

山寒猿夢斷地遠雁魂歸獵火雲中樹漁榔月下磯官
梅撩技癢池草見天機百歲風前燭收心坐翠微

謝周拙翁惠萬歲藤杖

周老手中杖天封頂上藤戰龍紛可解鬪虎斃堪乘險
路扶勝僕深林肯伴僧山中行住坐賴此好交朋

歲晚寄帥初

車魚鄮城館書畫剡溪船飯顆詩應瘦燈花人未眠空
林帶冰月老屋架霜烟寂寞凰棲叟思君又一年

睡魔

睡魔如瘧鬼日日應期來符篆燒難却茶槍戰不開中
宵翻醒去當晝又潛回應是五窮數留君共酌杯

白髮

新髮從渠白舊顏疑我非莫嫌冠易墮且喜蟲無依鏡

裏星星出梳來日日稀長慚老松樹翠鬣沐烟霏

石蓮花

石上原無藕林間自有蓮
開花高似雪垂實軟如綿
不入江妃笑祇令山鬼憐
芙蓉生木末可證楚人篇

旱蓮

紫玉炎天菊紅芽陸地荷
孤芳羣訕集一笑百憂多
美味河豚虐妍姿鴝毒苛
借渠存警戒何必辯真訛

去年大兵入台仙居幸免
今冬屠掠無噍類衣

冠婦女相隨俱北聞而傷之作俘婦詞

初謂無兵禍那知酷至斯
相看不敢哭有死未知期
兒向草間沒夫隨劍口離
琵琶猶帶怨況是作俘纍

次和杉棚

上伏清涼散家僮手自成
日斜蛟弄影風過鼠行聲
解助藤床冷何妨斐几明
風車捲冰雪得似此般清

自歸耕篆畦見村婦有摘茶車水賣魚汲水行
饁寄衣舂米種麥泣布賣菜者作十婦詞

前墪摘茶婦頃筐帶露收艱辛知有課歌笑似無愁照
水眉誰畫簪花面不羞人生重容貌那得不梳頭

田頭車水婦挽水要流通烏帽掀炎日青裙鼓晚風翻
翻循故步踏踏似虛空聽取勞歌意生身莫嫁農

江上提魚婦朝朝入市闔守船留稚子換酒醉良人不
著凌波襪長垂濺水裙渾家同泛客笑殺別離津

溪頭汲水婦力小憊中途奉佛澄齋鉢供姑潔飯盂煮
蔬甘勝肉洗布白于酥釀黍修時祀家筭不用沽

欲識農家樂聽予行饁詞
兩家從結髮一飯亦齊眉
世上恩多薄田間禮莫違
不須言富貴頭白鎮相隨

閨中寄衣婦夫婿在遼陽
夜靜剪刀響天寒鍼線長
自傷乖匹偶不肯繡鴛鴦
早願王師息我歡還故鄉

田家舂米婦隔宿辦朝糧
舉白紅顏汗投舂玉腕揚
雞窺篩下米天舐簸前糠
未奉翁姑食炊塵不敢嘗

種麥誰家婦青裙皂角冠
從夫無燥濕自小習艱難
窠淺愁鴉竊株成畏馬殘
夜來新得雪濁盜慰初寒

婦啼如此苦吏奪一何豪尺布不得著長年空自勞剥
衣聊贖命覆體不生毛念欲全家去乾坤何處逃

賣菜深村婦休嗟所獲微蕪菁勝乳滑萊菔似羔肥橐
裏腰錢去街頭買肉歸種蔬勝種稻得米不憂饑

蝶軒讀易幾

負薪收芋栗捫蝨曝荆扉落日烏行亂清霜杏葉飛歲
窮終有復人老自知非兀兀窓西夜吾方理易幾

先人遺文

和正仲君子泉

泉久潦不溢君子之德也因以名之

脈來層嶂遠影到片天清洗硯雲根起歸瓢乳味盈岩
花蒙潤澤水草見分明已遂投簪志何須起濯纓

二老亭

人與松俱老因名二老亭只慚吾髮白不及爾髯青佚
史應同傳幽圖總寫形把杯長與對我醉任渠醒

喜山甫相過

閨風有詩派一派落山房新思如春柳別來應更長相
逢無可說不見自難忘此是空圓意雨餘荷葉香

夢回春草遠病起故人來耿耿孤燈話沈沈細雨杯千
愁雙鳥過一笑百花開世事渺烟水相攜卧綠苔

食鹿肉謝正仲見餽

山寺曾聞叫悲哉失侶音能鳴終召禍善走竟成禽設
罟須新雨尋蹤戀舊林衰年資血味生殺亦何心

踏莎偶成三首

并序

莎草即地韭也唐人多有種莎之說其根有
實能散滯鬱藥品之良也農人常厭其繁薶

除惟恐不力余性愛之循徑而行是常引余
步柔軟如茵褥也

坐避窓邊瀑行使石上莎清池寫癯貌空谷應悲歌暮
色東西合蟲聲寤寐多離愁誰與洗舉斗酌明河

兩山天一路孤石水分流多難身衰日新涼病有瘳
侯封竹萬箇奴課橘千頭生理能如此真堪隱去休

玉宇浮叢雁黃槐帶化蟬青山一長嘯白日半欹眠機
斷蟲虛織囊空蘚疊錢去年真可怕戎馬暗山川

七夕

河似琉璃底水行空影中槎浮應恍惚星會恐朦朧七月初七夜一年須一逢經躔那有此吾欲問天公

聞雞早起

鐘扣星辰動鷄號天地開夜來新過雨行處旋生苔白
日一窓轉飛霜兩鬢推勞生何所戀只憶兩三杯

十月初五日夜聞雞

荒郊寒雁起深夜早雞鳴木枕違安寢繩床遣不平風

霜雙鬢晚歲月寸心驚牛具孤忠在鷗波萬事輕

登小山谷

葉丞相城中別業王梅關之故園也丙子冬兵火滿地皆黃花耳

亭榭隨人事江山換劫灰鄒裾前日盛謝屐幾時來紅樹欹城坂黃花上石臺欲尋觀聚賦誰與剗蒿萊

茅屋

茅屋不稱意清冷照此心白鷗波萬頃黃鳥樹千岑蒼
藟炎天雪蒲萄午日陰舊來須此物隘巷若為尋

紀事

盜賊自反覆干戈無是非上謀先劫掠善勝昧攻圍禮
樂成烏有詩書入翠微無銀堪易米甘采首陽薇

詠海棠

一年春瀲灩二月錦開干綠嫩難扶醉紅輕最覺寒欲
知花有恨來向雨中看泥飲須通曉千枝放燭殘

自用韻再賦海棠

含羞滄海畔移種蜀江干對此花枝重不應詩語寒半
開須與醉足睡更來看說與花神道當筵莫放殘

樵童自故園來獻海棠因賦二章

深蔓迷歸路荒蹊未有家
誰知寒雨裏也作小春花
茵紫松間茁蕊黃澗底芽
道人新破戒窓外種紅茶
只道嬌春日誰知戰朔風
輕霜去人遠愛景入枝紅
依舊風情在難將艷冶同
年年搖落後來惱白頭翁

山齋排悶

耳聾便穩睡眠暗總迷雲
樹濕直如沃花香不待焚
燕歸知舊主蜂坐有新君
莫怪今非昔從他聚必分

三月六日黃霧四塞涉三日不散木葉屋瓦積
塵皆泥粉因記所見

故國烏頭白太空雞子黃蒲茸千頃麥筠粉萬株桑錯
莫昏花眼朦朧塵土腸天河如可挽洗出太陽光

書事

倚徙白頭杖哀傷赤子兵斜封今不用直指近方行商
鞅何妨徇桑羊儘可烹擊蒙須用此尺箠惜刑輕

即事

冬旱井泉竭霜清天宇空
驚心嚴戍馬極目覽征鴻
弓手徵中產船官及老農
可憐時節在吾道自終窮

物化

擾擾孰分紛紛誰與明
螻蛄擘地走蚯蚓上堦鳴
隨事皆天道因人見物情
蟬吟兼蝶舞風韻喜輕清

初食栗

新涼喜見栗物色近重陽
兔子成毫紫鵝兒脫殼黃
寒宵蒸食暖饑曉嚼來香
風味山家好蹲鴟得共嘗

秋晚隨意行澗上值老農問勞去年避亂時事
書在心猶在時艱變易衰白雲山半寺紅葉水西祠農
老言多善烏馴噪總慈誰于千載後見我苦吟時

輞川疎舊業復望草堂歸落葉無人徑殘陽向水扉井
螢吹不滅塹鳥暗還飛豺虎方當道何時賦式微

初八夜遭綠林之禍因紀其事

夫子賦歸與田園欲把鉏春風吹故國流水遶通衢蟬
螻吞滄海蟾蜍食太虛一燈深夜酒呼子了殘書

遊天王寺

客子倦行役間尋古剎林雙巖來勢盡滙水去聲沈經
社千人會然燈七佛深松行喧萬籟僧定不知音

寄子堂時子堂借居清蓮寺

知君不寂寞禪脫只空房書卷依經藏吟聲繞寺廊早
霜狸面白新酒菊花黃共此山家景西峯隔夕陽

正仲思歸作篆畦今夜月十詩非篆畦月乃雁
蒼月蓋杜子美鄜州月之意也予作十章乃篆

畦月也

篆畦今夜月先暝
啓黃昏孤叫青峯
逕僧歸白石源
分燈三戶市打鼓
七郎村莫管啼烏
繞吾今已斷魂

篆畦今夜月湧海
出初更溪寺鳴鐘
罷山城禁火明梅
光初點滴鶴睡自
淒清還念故人遠
燈花結未成

篆畦今夜月出嶠
二更初蓐食催鳴
碓蒙頭靜著書清
霜聞吠犬細火有
歸漁一盞解寒酒
風爐煮雪蔬

篆畦今夜月有待
到三更水鳥隔烟
叫山樵踏雪行詩

成嫌燭短酒渴愛菹清此際誰為伴梅邊送影橫

篆畦今夜月絕妙四更殘欹枕清無寐推窓獨起看流
鴻曳稀宿躍鯉散微瀾頗記倦遊日孤舟宿雪灘

篆畦今夜月初出五更頭清旭輝相映餘光淡未收烟
消江樹出霞弄市嵐浮憶昔趨丹陛雞人唱曉籌

篆畦今夜月尊酒共論文凍茁沙中笋冰芽澗底芹人
生半歌哭世事異傳聞風憲分流品儒生免出軍

篆畦今夜月政自使人憐久廢登山屐愁催下瀨船衰

年免黃帽舊習守青氍東浙承平地如今是近邊
篆畦今夜月特地向人明海驛催傳箭荒雞誤報更平
生大敵勇未暮小詩行老矣今安用深盃送此生

篆畦今夜月故意照人衰一夢十年過千愁萬里來只
今安粵徼何日悔輪臺吟罷四百字更傾三五杯

寄石泉策禪師

師住崇教寺

不來三十載僧與寺俱非棕屨延蒼蘚蒲團坐翠微溪
傳松頂相風助竹談機侍者能栽菊秋深重扣扉

少師丞相國公西礪先生挽歌二首

宰輔平生望儒酸貴日同諸賢親盛德末俗仰高風道
喪悲歌鳳時乖歎卧龍經綸茲日泯憂愛與身終

咸淳無正史德祐少完人他日修公傳終身作宋臣淵
明還死晉商皓本逃秦壯士元無淚西風自濕巾

兼靜黃壇楊君書室也取錢起柴門兼竹靜之
句名之邑里吟人題詠殆遍矣予為友作反騷
不知者便謂子雲與屈子異意非也

本自柴門靜誰令種竹喧月來將畫寫風過引書翻默
坐雨偏響閑眠雪易繁動中還有靜此意互為根

余名宴居之室曰一枝巢賦詩以自遣

世事隨流水年華逐北風雁橫殘笛外人老夕陽中聽
雪三間永催梅百榼空沿溪灑明月只在最高峯

喜帥初歸剡

吳客多流越君尋古剡歸民貧官箠急歲歉米船稀嶺
鹿三了入溪鱸一尺肥榆林知可隱安得翅能飛

和亦翁韻

斜日照疲蹇茅茨葺未成
覘梅天氣好卧雪夢魂清
葉脫懸星大谿長去火明
詩翁如退將誰守五言城

小窓一首寄帥初

愛酒不嗜飲行藏一小窓
斜陽屐樵磴細雨笠漁缸
紅樹橋邊獨青禽石上雙
永懷草廬葛來訪鹿門龐

為胡後山提幹詠南麓古松

志在千尋上根蟠十里間
不除當路樹為作對門山
田

近龍常見枝低鵲可攀向來戎馬入世故涉艱難

柴門正當

偃松岸下即田丙子大兵入尚義里屯宅此樹纖柯不動疑有神物者茲持之也

中夜對月有省

風開半村雨月吐四更潮靜處常參省從來本寂寥
天機雙鶴唳霜信一鴻飄短髮梳還癢寒釭凝不搖

十月十三日嫩晴薄寒山房新構書閣去年此
日北兵入是夜自中心基徙獨山

霧重月無色夜來寒有情牆根餘宿莽木末弄初晴去

歲那知有新冬得此生擁爐談往事鸚鵡報三更

早涼出邑

暑濁難為酒秋清易得詩出門殘月在騎馬曉風吹山
下藤蘿構荒園枳棘籬新條聞快活歸路不妨遲

海眺

自嫌林谷暗欲作海天遊蘆葦人家曉蒹葭國士秋樹
根生石上山影占江流載酒船頭去風波幾瓦甌

送山甫還峽中

到處圖松樹何曾忘却山相攜溪路斷愁踏夕陽還田
狔吟桑空山雞飲石間所憂無可醉天上酒星閑

自次前韻訓馬與諸丈見和

得肉鳶歸樹無魚鶴下田此中藏世界他處少人烟可
怪衣偏絮何妨屐下穿亂離多少事史筆若為傳

久別形容改相逢涕淚收少陵歌裏哭元亮飲中憂巖
瀑和冰下溪植避石流故園春早動歸計莫悠悠

巖雲

巖雲黏壁白瀑雨點簾斑詩句鴉初曉鄉愁日半山故人來沼上好鳥韻窓間樹近夜先到村空春未還

悵望雁山雲

悵望雁山雲柴門一欠伸筇簕潭底影襜褕雨中身紅煮溟波日青回燒地春青城新裸奠餘景付詩人

庚辰元旦試筆

數我初生歲今為第二年光陰六十過行輩幾人全試把新詩寫閑將好夢圓兒孫扶出拜蘇酒讓渠先

夜坐

黃昏風雨後清夜聖賢心
松月生池底窓燈間竹林
曉津芝朮味洗耳石泉音
早秣傳消息清香慰暑襟

矮樹

千年矮桃樹從昔不教長
靜入仙人室低親處女粧
苔枝深漬雨秋實冷含霜
蜂蝶誰知顧春風四畔香

楊柳清明近二首

楊柳清明近棠梨烟雨愁
紅來千樹色白盡幾人頭
歌

哭同途去繁華轉眼收銅駝千古恨只為一尊休
楊柳清明近梨花氣候寒誰家爭蹴踘客子淚闌干
舍鳳樓小芹泥燕子寬西湖吾舊夢見說不堪看

[illegible]

欽定四庫全書

閨風集卷四

宋 舒岳祥 撰

五言律詩

酬張常吉

憑誰詩寄我溪水接流瓢
島瘦神空泣韓豪骨未銷
閑眠重落葉久坐到歸樵
予亦逃名者何當共寂寥

次韻酬正仲見和并貽用之

世事多眉皺練衣覺鼻酸
老懷呼子寫瘦影引孫看
爾

健心無事吾貧骨帶寒一樽江上別露氣夜來溥

次韻酬用之見和

秋晚如春早晨昏海氣濛霜嗥呼偶鹿雨啞破昏鐘知
命休行險吟詩不怨窮吾儕天所賜出入戴青松

十二月十三日曬藥有感

賣藥不二價買書甘一貧誰於无妄世完此不費身酒
熟狂連月花香走四隣因思少年事默默自沾巾

詠豈菴花即詞人所謂豈菴梢頭者也一名魚

袋牡丹以其葉相類也亦名含胎菊

春晚愁偏重垂頭向下生牡丹憐與葉蕙草愛分莖懸
袋雙魚意含胎少婦情幽姿如冷淡那敢擬傾城

舌吐梅仁顆心含豈角花折來無處著留取愛名嘉脆
紫深愁雨輕紅落軟沙真分成恨草姊姊共成家

水閣新成與潘胡二子小飲

小有龜藏意橫陳燕息初一間規畫舫數板東方渠隱
几時聽雨開牕即釣魚天寒須共飲吾已久捐書

次韻荅潘宰見和送正仲多字韻詩

彊健近八十如君誠未多夢中思謁帝醉後縱懸河撫
事遽如許流年奈若何相期成二老舉斗酌纖阿

次韻荅達善季辯

眼暗書多誤牙搖飯著沙山林消幾屐天地總浮家故
國帛書鴈荒園鼓吹蛙經年無驛使何處問京華

次韻荅陳用之王奕世表明復三子和篇

藥留殘焙火枕避近溪風意澹琴三疊人和酒一中自

遭兵禍後已覺世緣空安得飄然去茅廬海上峯

避地李山

山居門早閉雪後樹重青不為艱危迫誰能險阻登寒
機與春應村誦隔溪聽絕頂觀滄海海平峯上層

雙山

薄暮悲歡意無家去住間三間臨水屋半樹夕陽山石
雨疎成密沙潮去未還數旬成卧病轉老轉多艱

將為鄞江之遊先寄正仲三首

相思不在遠道地一來難殘月中峯見疎星半夜看江
湖青草遠風雨小牕寒鄞水饒魚米何由得共餐

天地悲歌裏江城戰血餘哀鴻瀉壞道斜日照殘書髮
禿因慵櫛園荒亦懶鋤舊來雙紫燕隨我到茅廬

水漲苔梳髮風晴麥漾鬚茶香度深竹燈影射平蕪歲
月江流駛乾坤客枕孤鄞鄉風物好蓴菜出湘湖

燈花

火樹知誰種燈花凝不銷何人知此意有喜在明朝兒

愛抄詩卷童歡進酒瓢
紗籠添護惜莫要隙風搖

留山甫

新春知麥味舊債了鄰
賒借榻無鶻處敲門有竹家
韭苗香煮餅菊腦和烹茶
少駐還山屐烏紗細雨斜

春曉

高枕還慵起晴窗曉日明
家貧從省事身老放徐行
溪樹藏村暗山花照市明
園林有樂事桑下見雛成

靜息

茅竹荒墟地菰蒲野水天故園長莽莽歸興自翩翩
文字留身後瓶罌滿眼前海棠知我意故作小春妍

冬日過良坑岡東望滄海隱隱見漁村有感時
避地者多浮海云

平陸人煙險漁舟家口肥青天團窮笠白雨澣蓑衣
靜釣鷗分石寒歸雪滿扉磻溪有恨事嚴灘本忘機

篆畦春日有懷正仲

別來成隔歲即是久相疎詠物追唐律名亭學史書
莫

柔春霰後花韻午晴初閒日有閒課人生無逸居

曉起觀梅

玉氣占虹貫珠光照夜闌淒涼兼水淨的皪與星殘欲
折先呵手誰來獨倚欄白螺鰲曉露起向月中看

趨農

種浸清明後芽烹穀雨前未能饑守死何不力耕田溪
草鳧毛滑山花雉頰鮮倦行聊少憇茅屋帶晴煙

次和花字韻酬正仲實父少白三友

不讀口生棘多愁眼易花江湖四閒客今古幾詩家吟
是蠲憂藥功如解困茶艱難俱已歷好景夕陽斜

再次韻酬正仲

好翁須好客相映柳和花自是曹劉匹非分唐宋家書
空因學草品水為知茶愛酒欣逢伴臨風醉墨斜

放螢寄正仲

殘編百讀過年去放螢飛好帶隨身火休爭秉燭輝夜
涼辭竹皮風逆返書幃未是明經日何人拾汝歸

螢

每向坳塘照多從曲徑燒無煙知有焰著草不曾焦雜
燐因風亂隨星沒夜遙老來疏簡冊四散任渠飄

漁童

了角長身者依然髮懶梳只將星子餌釣得尺來魚險
阻行來慣風波舞自如曾因潮岸塌收得古人書

春日山居好十首

春日山居好初春草色回小橋帘映柳野店燭簪梅箭

茁穿沙出蘭芽帶雪開從今排日去連月覆樽壘

春日山居好尤佳是仲春半開花有韻微醉酒全真堯
帝衣裳日周公禮樂辰枝頭百舌子播告太諄諄

春日山居好春深自向歸且看成茂實何必戀芳菲樹
合明湖隔蒿長遠徑微風雱吾黨事試浴振春衣

春日山居好春來不問深柳能同燕舞鶯解代花吟有
酒家閑去無詩客莫尋賣田強免役何必苦勞心

春日山居好閑思二月頭麥青農作暇蕙秀女工休布

穀遲催種提壺早勸遊老夫同獵較陌上暖風柔

春日山居好西湖樂事非青黃雖未接紅紫自交輝酒
在何憂死詩成可療饑典書猶可醉何必有金揮

春日山居好柴門愛客過連朝恣泥飲隨意有山歌句
小從人學才衰覺氣和情懷依分足好景不須多

春日山居好尋花急占先騎驢投酒市領鶴上漁船薄
暖還揮扇輕寒未替綿清和時候正麗日牡丹天

春日山居好春園賞海棠風流思妙麗老大尚清狂暫

拭傷時淚還逢絕世粧傾銀并注瓦彼此一時芳

春日山居好光風草上浮溟濛晨靄散澹蕩夕陽收發
軋梅花報攀轅巧藥留春來亦何好惟有白添頭

夏日山居好十首

夏日山居好清風報斷梅林深蛟却退山合鳥飛回一
霎過雲雨數聲深水雷遶園尋蠹笋聊以薦山杯

夏日山居好吟來亦自豪焚香誦周易痛飲讀離騷莫
諱無三甲吾今已二毛燕編三百卷空費一生勞

夏日山居好還思童冠時汗流修舉業浴罷問題詩邊
事廷紳奏朝除邸報馳槐花時節近新說合新知

夏日山居好茅簷水餅香蕉衫身儉潔紗帽頂清涼潤
葉桑藏井新梢笋過墻莫言炎熱苦勝處苦寒鄉

夏日山居好涼風樹下生三茶還可瀹二韭尚堪烹永
日閑言語平生實講明半空飛赤電燕坐不須驚

夏日山居好清溪一笛風瘦軀便褐短寡髮愛梳鬆細
雨明歸鷺斜陽飲遠虹有時吟未穩飽步自書空

夏日山居好鷄鳴桑柘煙笋搖知翫過草偃覺鵝眠休
問田園計聊隨飲食緣經營空自苦煩惱更誰憐

夏日山居好蟲鳴山更幽青鞋紫藤杖玉醴綠甌飛
露吹黃葛涼風洒白頭已知時雨順更有虎狼憂

夏日山居好日長宜學文金門堪避世畎畝不忘君林
宿三冬雪巖藏萬里雲屈伸吾道在何必雜人羣

夏日山居好藤床面北林荷心風百頃秧底月千尋幽
鳥珍毛羽流泉響磬琴此中多樂事客至亦能吟

秋日山居好十首

秋日山居好新涼讀舊書
黍馨秋社祭燈燦夜灘漁
茄摘收花後瓜嘗脫蒂初
早田三得雨一飽解憂虞

秋日山居好園丁貢美蔬
燃萁酥煮豆拗頸爛蒸壺
菰首甜供茹薑芽嫩漉菹
秋來風物美何必去吾廬

秋日山居好吾居山海間
意行逢酒住興盡放歌還
稻穫歸流水林疎縮遠山
誰知僧快活飯飽即身閒

秋日山居好星河頂上懸
聊隨兒女戲也設果瓜筵
歌

枕看星渡開窗抱月眠溪田六十日接闕到紅鮮

秋日山居好新涼及早興玉餐陽塢米冰嚼下洪菱海
錯來蒲港溪鮮出石屏欲從逋客逝為此未之能

秋日山居好中秋興莫違四腮鱸正脆一尺蟹初肥白
露杭登饌清霜絹下機急舂輸井稅無事早言歸

秋日山居好重陽庶物穰剖菱紅綻白剥栗紫含章黃
雀綿披脊霜狸玉截肪登高惟小圃何必上重岡

秋日山居好清涼鴈過初雞頭消暑夕鴨脚待霜餘草

淨蠶遠爪香蚤蟻除小園新雨過菜甲自刪鋤

秋日山居好疎明入畫峯獵憐依寺鹿樵護倚祠松鴈
起西風笛人居夕照春東山久不到勝具一枝筇

秋日山居好秋濤木末橫龍藏寒水靜鵲擊廣原平紅
葉茅茨露黃花麴蘖成西風輕步履隨意得閒行

冬日山居好十首

冬日山居好茅茨不漏風山厨蒸芋栗野徑掃風蓬嫩
酒芻初白寒灰撥暫紅編氓吾未免杜老屢囊空

冬日山居好誰能倚市門從橫鴉出郭寂寞鵲歸村為
念曲肱樂因耽曝背溫此時新放飲招我苦吟魂

冬日山居好隨家豐儉宜果成猿種核薪落鶴巢枝梅
見天機早菊知霜信遲讀書年少事任汝眼昏眊

冬日山居好幽齋累紙窻溫存簷鵲並暖熱竹鳩雙鹿
下霜封塹樵歸雪印砭從茲謝城府吾志鹿門龐

冬日山居好尤於老叟便年衰催釀酒骨冷早裝綿著
帽來梅下扶輿到雪邊興來聊復爾微倦自高眠

冬日山居好農人告歲功明朝輸井稅深夜動機舂木
脫見山市霜清聞澗鐘倘無饑凍迫何必羨侯封

冬日山居好先生獵較時海陂寒網鴈嵐市夜分麋酒
熟隣相聚家貧盜不窺偷生前進士幸矣過耆頤

冬日山居好能閒樂自全米豐平酒價疏賤減魚錢偶
爾思前事依然是少年下簾高枕卧門外北風顛

冬日山居好不知年又窮老人六十七破衲兩三重未
要迎新歲聊須駐舊冬明堂知未議安用聘申公

冬日山居好能安始識閒漁歸溪口港樵下屋頭山竹
螭含梅蘂江鱸著玳瑁人生何所事口腹最相關

山甫遊鄞訪僧復歸山房

麥熟歸小隱詩名留遠方竹冠山靄重棕屨石苔香掃
徑憐新筍臨池玩舊芳僧交非昔比吾黨懼行藏

送胡山甫歸山房

出峽復歸寺身孤心更虛半瓢岩下水一豆雪中蔬自
制烏羅帽閑將白髮梳與君能幾別此意重相於

八月十五夜月

此夜十分月年時中半秋華夷同一照今古幾多愁
顚氣橫空白天光際海浮兒時讀書處桂子落巖幽

戲贈陳用之羨渠食筍也

食筍肥勝肉胷吞千畝寬汗青終日對水墨一窻寒
吾子風流甚此君冰雪完每思參玉版莫作北僮看

山行

今日新晴好東風散麥鬚山泉中琴瑟巖鳥合笙竽總

是太平曲何勞擊壤圖誰知花濺淚杜老獨嗟吁

憶篆畦

流水人千里清風酒一尊烏頭何日白鶴髮幾人存石
樹根基壯秋蟲羽股繁殷勤問來使元亮欲歸園

送王奕世歸玉塘

故人今有子過我乞銘文紅樹催年老青燈話夜分詩
箋傳父業隸筆張吾軍萬里青州路沂公幾代墳

十二月初七日補綴舊詩寄正仲

歲闌思飲酒人老且捐書春日將輝貴陰風為掃除花
前看燈蟹雪後坐庵魚有約君無負牆根摘露蔬

山居

雀飲梅心雪魚吞水面雲山居差有味世事不堪聞野
燒窮狸穴晴霄轉鴈羣溪寒春未著閨月壓餘分

借正仲韻賦牡丹

洛陽宮苑地幻出幾花身艷色宜當午開時惜殿春管
弦非舊國風雨易愁人同是多情客相逢說夢因

阪坑頭上籃輿煙雨中賦此醒困

下眺黃泥阪濛濛曉霧漫巖泉時一滴松雨幾曾乾利
倍鹽為市耕勞石作田我來聊小憇前去路千難

十三日即事

是日於松下聞鵲鳴此禽陰物至
春暮感陽氣而作夏至後則止今

八月半而
鳴書異也

蒿欺菊藂瘦蔓壓橘枝低應俗精神減傷時夢寐迷歌
眠中夜鴈薄飯午時鷄咄咄真堪怪秋深杜宇啼

春分偶飲成醉兀兀坐睡覺而殘月在窻矣

酒熟還成飲花香忽過牆近燈人影大斜月樹身長陰
洞龍藏雨春苗麝養香閒吟誰與語醉倚一胡牀

闕題

潮分船出浦雪破馬行沙去去三千里疎疎八九家矮
壺分乳酪疏竹看梅花虎豹方充斥風林噪亂鴉

田舍偶憶菖蒲

山窻偶閑靜無事憶菖蒲怪石磨劒脊西風拂虎鬚性
貞偏愛潔節勁固應癯何日新書室清泉手自斟

渚宮秋思

石樹表獨立瓦蛩相與言雙鷗定漁社一犬護柴門抱
甕非吾土浮家何處村枕邊黃黍飯用此了乾坤

風

太虛無朕兆因物見形聲入竹須搶地驅潮欲打城八
方隨氣轉萬里掃塵清誰道鵬搏壯反從虎嘯生

中秋與山甫登樓小酌

莫笑斯樓小因高勢自尊江山圖萬井烟樹點千村斫

却月中桂烹他海上鯤乘槎八月半與子探河源

觀窻前月過有感

簷影倒垂地月高窻更陰殘蛩沉積葉悲鳥發遙岑易
下傷時淚難平讀史心冑中猶若此酒盞可辭深

聞有海船入鄞作詩附寄正仲

華館多髯客深山短髮翁鐘聲更點外螢焰燒痕中春
日同傾酒寒溪數過鴻天門通海路詩寄鄞城東

山甫還峽石有懷書寄

靜者一為別誰將幽抱同行詩求谷友買紙囑溪翁數
點淡雲樹一行遙海鴻莫因尋薯蕷深入萬山叢

坐對蘭菊有樵人獻石輪困如雲亦鐵中錚錚
也喜而成咏

老入遠公社閑披貝葉文移梅兼得月買石看生雲潭
淨知魚數煙青別鷺羣平生有香癖蘭菊勝爐薰

春深贈山甫

石枕空蝴蝶山窻足杜鵑春深方沃若人意自翛然衰

老難為別留連未肯眠燈花知我意今夜大如錢

贈周此山

梅花台越路來往此番新風月三間屋乾坤六尺身枕
中鉛汞術筆下蕙蘭春聽說西江事廬山面目真

春晚聞霰客思淒然兩日不見達善季辯書懷
奉寄

夜闌風薄樹雨急水埭沙書在吾何恨春深自憶家高
花猶著雪淺草早鳴蛙同是離居客相逢弔歲華

趨俗

殘雪高峯外孤猿細雨中看花心未老問事耳須聾時
俗同僖父歸休學塞翁相隨攜酒去獵較祭田公

葬沈氏墓

連夜頻夢見那知是與非天高難告訴佛近且皈依修
竹墳三尺寒梅石四圍有兒年十七他日望傳衣

哭謝尚書

尚書在南日與予厚有書云生死出處與足下同之予往潭幕君以甲竹

杖為監兵後杖失所在

翰林真學士吏部老尚書
薊北非吾土鄞江有舊廬
死生今已矣出處竟何如
叩竹先龍化人琴一慟餘

哭王達善

一叟經年瘧蕭然強飯蔬
殘花清供後瘦竹苦吟餘
女授伏生業兒工阿買書
曾無一紙別疑信問何如

哭李實甫

帝閭嘗再叩龍頤竟難攀
帙散螢千點詩留豹一斑
人生會有極吾道幾曾還
藏我擇軒記名垂天地間

螢千點一

作仄
千切

哭剡田詩老

君詩序自謂由翁卷徐照而
漸趨唐人 翁徐永嘉人

尋源自永嘉清響點浮葩
一字不犯古五言真到家思
幽多掩抑情至重咨嗟欲擬微
君誅天寒日又斜

本是攻文者其如癖在詩人
皆尊島佛我欲效宗師廢
圓營新屋寒花帶短籬風流無此
老遺藁訪佳兒

一作
燈續

家今世友殘藁自遺歲
辰賢所忌一夢驗於斯

哭陳伯求

早總淮西餉晚為刑部郎艱危身九隕漂泊淚千行天
地孤忠在山河遺恨長寡妻隨季女猶得在鄞鄉

欽定四庫全書

閬風集卷五

宋 舒岳祥 撰

五言律詩

燈下飲別

歲晚客思去天寒子肯來稽留須酒熟歡喜見梅開蠟
屐匆匆駐筴興故故迴嘉平猶未盡且欲舉殘杯

贈別山甫

勞君出南峽從我上東山辟惡香萸紫延年細菊斑看

雲獨無語覆斗且徐還說到忘機處沙鷗也自閒

贈別君英

相去十五里不來幾半年知君有農事踈我話詩篇置
石桐陰澗開門海口天老人愁此別把酒菊叢邊

山甫遊岵拜戴安道墓而歸新年過我鳳樓作
此贈別

尚謁死安道寧忘生閩風千巖幾尊酒百歲一枝筇且
可耽甜黑何須醉軟紅謝公高卧處明月在巖松

正仲過鳳樓臨行贈別

甲子春晴好鳳樓理去牽江湖一葉小風雨對床寒鼻
鼾聲何壯燈花夜未闌紛紛多盜日吾黨敢求安

贈正仲別

一年三過我此去定經年雪壓登魚渚雲生落鴈田壯
遊今已矣老別自潛然心事有難說斯文屬子傳

再贈

不惜此時別毋忘別後音相隨溪上影共息樹邊陰水

落行田蟹霜晴出谷禽何須拘改歲有興即相尋

四月六日絕糧用銀盞易穀作詩別之

從此與君別臨行更一傾縱令愁作海誰送酒如澠已
悟興亡理空留物我情不知陶靖節何物了平生

十六夜月蝕既

蝦蟇新食月金餅曲如鉤天道終還舊書生自隱憂星
辰秋後爛河漢夜深流我欲騎鵬背乘風閱九州

八月二十五日聞布新條

民命無冤鹿烹庖幾日休紛紛渾未悟炯炯為深憂並
和隣春相分漁步網收近海民以小網行捕淺港謂之步罾聊為目前計
斲椀汲新芻

過劉允叔故居先生宅前有老檜甚鉅薌巖乃
里中名山藏書其上

流水孤村裏先生此故居風流今已矣天道竟何如古
屋前朝檜薌巖萬卷書蒼苔封瓦礫野燐出丘墟

安住寺松聲

晴日千竿籟春風萬鼓輦清和無怨適細大雜高低釋
子聆眠石行人聽過溪曾於天竺寺為爾駐遊藜

聞鄞兵入仙居二首

獨嶺斜陽笠深溪夜雨燈多憂未歸客萬事不言僧兵
甲今如此台明昔未曾欲言徵斂數天遠有誰能
細雨殘陽外孤村亂水中饑年才半菽白髮聽踈春世
事何曾了吾生會有窮深衣斂形日嗟我一枝筇

悲來

竹簡千年夢楸枰萬古爭推敲渾細事著述亦虛名春
艷無長好秋吟恨短生乃知天壤內各以一時鳴

僕有書五千卷藏明恩山房亂後幸存胡山甫
寄一榻為吟所聞已遷入作唐律寄題

歲久殘僧屋吾書故不塵持經入深竹分韻與閑人花
氣聞慈像松涼施四隣細思貧最好懷壁每戕身

雪後喜晴和正仲近詩

今朝天氣好寒減煖初增微醉無灰酒閑居有髮僧芳

情花下月艷眼雪中燈久廢賡酬事新詩忽啟滕
雲開青鏡曉病起白頭人陽洞林光動晴簷鳥語真黃
花修故事新酒接比隣火急輸官米寒舂連夜頻

十一月初三日夜有興尋梅

樹下春來往窻間月死生尋梅何處好隨意自溪行酒
債應無數燈花各有情明朝江上路風雪一詩成

送潘少白遊桐柏宮

桐柏舊題句方瀛新記文因君重拂拭為我致殷勤仙

過峰停鶴龍藏井閔雲金丹如可鍊此去訪方聞

曝書庭中即事有作因思正仲在鴈蒼山南為
我作小楷雜以和篇當大有可觀因以寄之

稍覺干戈定聊寬旦夕憂黍黃鷄應別草遠犢呼年匣
畫乘陽展庭書值雨收漳濱想公幹小楷作銀鈎

賤生之日邀正仲子堂小酌

開歲恰七十吾衰病已頻從今數正旦一月有三晨甲
子添新誌乾坤寄老身晚年方學易此意為誰陳

次正仲訪山中留別韻

及此真知老吾初不謂然相期無別事不朽要千年過
我論新句留君訂舊篇胡為趨歸騎忙似趁潮船

挽董知鎮

曾行栲源路相訪竹溪頻事帝清心且於人笑面春升
堂驚挂影下榻憶延賓風雪深尊夜梅花滿座茵

花鳥

色與聲俱妙鳥啼花亂開此時無事惱有酒待誰來漂

泊迷歸路昏花恣覆杯已聞雷迸筍不怕電驚梅

四月二十四日雨中分酒餉山友

欲言林下趣思共澗邊行細雨枇杷熟空江杜若生
離居非遠道向夕自含情偶此開松酒分將一榼傾

棟花

蒸入黃梅雨寒收苦棟風團團羽葆蓋疊疊繡熏籠
文錦財堪用金鈴實有功小畦留一樹斤斧幸相容

山齋夜坐

新歲纔三日春風便不同
花前雙鬢白雪後一燈紅
老去心無術愁來佛亦空
吾儒真實在千古獲麟翁

用正仲茅字韻

月白溪頭石霜清屋上茅
歲行天自運人老志還勞
冬菊忘年友寒梅耐久交
向來金盞醉今日對陶匏

次張幼學見寄韻

何必羨商顏幽奇出嶮巖
歸舟天際樹宿鳥屋頭山
畏虎長危坐尋僧更不閑
酬詩無好句奚錦得空還

九月朔晨起憶故園晚易

晚易書齋名也

晚易圖書燼篆畦花木新承平三世積喪亂一朝貧清
曉凭欄意空山袖手人平生欲學杜漂泊始成真

賦山庵梅花

水石生來瘦乾坤孕此情寒谿千尺照殘雪數枝橫光
射霜髯逼酥浮玉面爭何人夜吹笛故作斷腸聲

簡胡山甫

山甫新有病起
百花開之句

門外月誰敲花開醉遠郊自尋幽寺宿不耐俗人交裘

替疏泉洗詩添續紙抄一身舟不繫萬事柱難膠

臘月朔第二孫繩祖彌月喜其與翁同十一月
而又皆乙亥時也因賦以祝之

繩祖初彌月清晨抱見翁頗憐頭額大兼愛月時同句
法何時就家聲待汝洪吾年八十二方見汝成童

送潘少白赴連山館

其先有古桐者
受菊田詩學

桐木深坑嶺菊田高第家聞渠能館致去我使人嗟
箸長潛沙笋蘭開傍石花古琴留掛壁此意澹無邪

還龍舒舊隱

今朝歸小隱隣里喜還悲
亡國誰修史遺民自採詩
鼠營新穴壤鶴理舊巢枝
見說寅年泰冥心待運移

民謠有虎

嘯太平年之句

懷昔

淮海新封國東南望止戈
紗衣秋意早石枕雨聲多
白露皺紅棗西風擺老荷
昔年遊萬里今日興如何

暮春山居呈山甫正仲

逕盤如繆篆石淨可橫琴好鳥連朝在蒼苔一寸深撥
泥尋筍脈掃地引蕉陰三客誰家有風流壓晉林

十七日夜村市

今歲梅誰待因遲却未殘新泉生暗谷遠燒照前灘圓
景終難久殘燈未肯闌沉吟思往事猶自倚闌干

喜見早梅花

朔雪吹吟屋春風駐酒家野塘冰上鴈官柳月中鴉玉
饌寒沙筍金蘂夜雨芽開牕有新事喜見早梅花

戲作

莫笑山居僻山居號令明
芭蕉工報雨鴈鴒解知更
樵長專封拜詩壇擁甲兵
開窓一壺酒新句賞新晴

秋夕寄周鍊師

蟲聲疊哀思樹影弄清輝
休恨催年老私慚昧昨非
倦童眠自語驚鶴定還飛
遠念周高志華顛坐翠微

易庵道人歸鴈蒼兩月矣作詩趣之

一入鴈蒼山山蒼鴈落灣
石蟹鳴杼下沙鳥宿牕間
吾

子動多悔老夫今稍閑密雲疎雨裏心事極相關

甲申正月二十日遊盤谷道院贈石澗鍊師

滄海連雲族青山遠驛塵回旋成小隱想像着幽人桃
樹偏臨水梅花諱說春扶輿穿犖确空翠濕衣巾

過明智寺

每過明智寺小寺在山前老衲分雲坐山猿抱子眠巖
花紅雜雨野水綠平田火後傷心處青山響杜鵑

春晚寄二林

穀雨秧芽動棟風花信來鱗奔沙上火筍長地中雷燕
子巢重定主人門早開二林詩敵手先著一篇催

辛卯正月二日蝶軒蚤作

鴉背閃晴天輕明紫翠烟年將人老大形與影周旋鳥
語催晨枕梅花照夜編池塘春草句此意有誰傳

吾道

聞惡休三唾懷賢賦七哀衰年催白髮細雨足紅梅江
海歸詩卷乾坤換劫灰老儒何所用吾道自須回

八月二十八日與潘少白劉君英草酌耕養堂
時劉正仲以求免役入城予亦為羣小見厄者
也

二子論秋夜秋蛩是四隣葉黃狐下隴燈暗鼠欺人借
譽門多客臨危俗少親平生劉正仲於此見情真

約諸友九日遊東山

語石雙蛩碎鳴軒一葉銷黃花無舊客白髮又重陽日
月雙飛翼乾坤幾戰場人生一百歲不飲自堪傷

山甫病中歸峽作此問之

山甫病歸峽僧言藥有瘳自憐三歲長多白幾分頭水
鳥工吟夜陰蛩苦詬秋詩人多病瘧彊飯更何憂

送帥初遊浙西

吳下吾遊地因君思又飄水花香外雨沙鳥夢邊潮載
酒浮官舫吟詩上驛橋三高祠下過為賦楚辭招

松花

偃蹇不入俗隨春也作花高攀許樵子輕掃落僧家功

用雖非藥風標正似茶秋風收子食辟穀勝胡麻

消憂

鳳樓塘上路春草思悠悠綠樹雙黃鳥青山一白頭詩
書自有厄盜賊本非仇天道知難問吾貧不肯憂

宿龜石寺

竭來誰主我野寺得閑行借屋安書皮就巖搯飯鐺山
晴分鴈轉水煖見魚生無事人情好相逢總笑迎

遊龜石寺

舊說龜為石今知石化龜溪分剡溪秀亭近鎮亭遺沙
鳥穿青樾巖花覆碧漪逢僧如雅素攜看古廊碑

重遊龜石寺

一龜先過水更有一龜尋鳥出石潭底筍穿沙樹心平
橋連斷岸古佛坐喬林竹裏何人住時聞嘯咏音

曉涼

秋風萬里清客子最含情山路殘星在柴門野水鳴平
田聞鴈起落月有人行破篋無書冊何須眼復明

題汪日賓西樓附山甫達之

不忘西來意開牕西復西柳懸魚怒頰蒲縛蟹團臍縣
近更傳信寺圍鐘到齊山翁出山處放杖得新題

山牕卽事思正仲有寄

相憐不相見不見自情親野水僧無影斜陽樹半身嬾
蜂偷柏蜜饑雀啄牕塵吟就懷人杳書成訪驛頻

獨坐遣興

昏眼迷煙雨修眉隱樹林杜鵑知夜半蟋蟀俟秋吟靜

悟平生事閒思萬古心蹉跎七十五既往莫追尋

十月初七日山中感興

日暮空歸里時艱未到家稼收遷野鼠柿熟亂慈鴉冬
煖生蘆笋人閒對菊花亡書何處補無用自咨嗟

二月初二日山中感興

山合風多急江寒潮易殘艱虞渾未息漂泊若為安脫
葉投沙井吹花點石闌故園歸夢切雪潦幾時乾

贈星翁

星翁言我壽更壽復何求老病花生眼愁吟雪滿頭
髀消經萬險面皺積千憂十載不看鏡今朝見自羞

春日與正仲坐山齋余隱几就睡既覺而正仲
端坐誦書未已此意似更勝淵明卿且去之語
也

坐睡吾知味觀書客更嘉柴門桑舊曲石逕筍新斜
花飽蜂歸國巢成燕着家此中真有意高柳兩三鴉

晝睡

生平慕睡鄉，逃暑最為良。
渴愛煎茶響，饑聞煮粥香。
百年依白社，一枕熟黃梁。
童嬾呼難動，貪眠到夕陽。

別銀瓶

年凶人賣子，吾亦賣銀瓶。
送老無留物，因貧總割情。
捐軀資我飽，覆斗餞君行。
正是花香日，憑誰細細傾。

臨水送將歸

落葉秋江外，孤燈遠樹中。
片帆天上下，明月水西東。
歧渚潮來白，晴霞暝更紅。
一尊臨水驛，莫忘寄詩筒。

送俞宜民歸馬耳峯

晴雪集林薄，朝陽熙隴苗。
青天堪數雁，白路自通樵。
愁我未歸客，別君還過橋。
何時燒短燭，軟語更終宵。

十月初三日追記丙子歲以此日風雪中度平坑嶺入馬耳峯

歲窮常鮮裕，人老更多悲。
白日無閒客，青山有了時。
乾坤馬跡滿，風雨鶴巢危。
去歲來坑嶺，移家度嶮巖。

古漁父詞二首

烟雨一葉小江湖大厦寬全家足風月高枕恣波瀾白
雪披蓑立青山揭笠看莫將文叔事溷我釣魚竿
是店皆賒酒無家只有船燒魚岩下火吹笛水中天楓
葉霜鋪地蘆花月滿川風波何處靜收釣即安眠

衰至和王達善

衰來知己漸老去不容避居長常先導徐行且遠期相
看飄鶴髮久坐綻烏皮百歲休嫌短修名千載垂

詠頰桐花

此花薇廟賜
名珊瑚林

朱草文明瑞茲花上品朱巧瑳紅象珥闊製紫雲襦麗
奪炎精盛名霑御賜殊且貪顏色好鶴頂似他無

因黃甘人便問訊帥初

芟舍干戈後班荆薦莽餘何人騎有鶴顧我食無魚孤
憤向誰說倦游休上書時時問甘嶺戴子近何如

七月初四日賦紫薇花俗名怕癢樹皮薄枝弱
人以手搔之無風自動又名稻熟花開時早稻
熟也僧寺多喜種之亦名寶相

感羅紅線紫鵲粉鬚黃野寺花開日平疇稻熟香曾
陪紅藥省相對紫薇郎尚憶絲綸閣新秋雨露涼

謝劉文伯惠好翁牋

春膏誇瑩淨雲母鬪輕明吾子誠不俗老夫安用名雖
非時態尚猶見故人情雅興因君動新吟凭几成

秋日書事貽潘少白

樹色已非昨蟲聲不忍聞亂鴉投急景老樹淦長雲百
頃青黃半一村晴雨分凭闌新得句書贈特山君

貽正仲

月生鯨海上人在鴈蒼中一巖環村轉雙溪到海同百
年能幾見七十有三翁為此當心惻詩成走遞筒

貽山甫

多病空餘老勞生為苦思偶然新得句長是不眠時鼠
攪歎無肉傭逃怨食糜此懷誰可訴只恐則山知

梅所將別夜坐敘懷

相見豈無期前年亦此時青山吾有約白髮子能醫石

室誰看鼎巖泉似散絲老人偏重別去路渺相思

去春帥初嘗約為榆林遊欲烹羊釀酒為小孟
嘗既而僕歸鳳棲後帥初亦往西浙遂不果今
帥初已歸當踐前言但同游之客達善已下世
矣因黃甘便作詩以敘其懷

戴子遊西浙藕花香滿船因思今日日又是去年年楊
果珍閩荔榆林下剡川烹羊曾有約已失碧桃仙

記夢

春夢是耶非終慙戀祿微整冠騎馬出敬枕聽鷄回食
藥風霜入還丹志願違未能忘習氣安得寸心灰

又

梅花清入夢詩骨定非常半樹原遮蘚無風也自香籃
輿衝暮雪茅舍帶晨霜傍竹依松處無心肯向陽

八月初三日五更夢覺追記

林下青衫卸尊前白髮歆少年行樂事暮景感傷時鍊
藥嫌長嬾觀書悔已遲惜花心性在時復一吟詩

夢行
故都

天街上往訪一舊識路甚迢迢至其館則所識不在有
二女子從樓上亟道致其主偶出之意請余少俟因出
酒肴酌余歌詞有惜花心性之
語夢覺不能全記故追賦之

夢回

月上芙蓉浦船依杜若洲歲行人冉冉川永夢悠悠天
地回青眼江山養白頭老生如朽木安識有悲秋

題存思庵壁

香飯炊魚白新醅擘蟹黃秋風元不惡鄉思自難忘田
水閑無用山雲薄有光篆畦消息好一路木樨香

中山題客舍壁

曉行風露清夾徑草蟲鳴虎近常行市鷄啼早出城路
長終是到世險自難平學得王陽術黃金可立成

四月初四日正仲子堂可大及梅所周鍊師會
耕養堂

白月一家好青山四坐迎短筇看虎跡高枕聽蛙聲草
具枇杷足瓜廬熠燿行相逢總佳士更喜著彌明

含笑花

半面羞藏袂回頭嬾向人
清涼生夜氣冷淡見天真
此物慳開口他花怯效顰
莫嫌容易落笑罷總成塵

花頭皆向

下纔放
口即落

五言長律

詠竹拂子謝潘可大

天封竹拂子贈我意何勤
白馬唯餘鬣蒼蠅合避人
柄雙疑共產身粉止留筋可
鄙梭毛賤堪同麈尾珍
書齋添道氣入室許嘉賓

壬辰正月胡子持孫平叔劉正仲諸友於鴈蒼
建赤城先生祠賦唐律一十韻以紀其事

句讀從朱老

先生始從朱叟峰學

經書本釋翁

後與僧惟賢遊假其書得五經始通

大義於藍青所出他石玉堪攻文啟吾鄉秀心知百代崇

先生從東坡學有詩上之


推尊非苟合議論自難同

先生因議開五丈河坡公異意

名節道鄉峻詞章淮海雄諸公交贊譽此老定磨礪舊
祀儒宮側新祠佛寺東開山猶別子傳鉢許宗風俎豆
干戈後詩書煨燼中千年期勿壞印印此心通

評花

我欣年荅重君喜菜花黃露浥蘼蕒蒞味風搖餅餌香均
為資食品乍可少羹湯若論充冬蓄何如續夏糧書生
有定祿百甕亦須嘗



欽定四庫全書

集部

閻風集卷八

六至

詳校官庶吉士

臣張溥

主事

臣

呂雲棟覆勘

謄錄監生

臣

嚴續曾

謄錄監生

臣

俞光豫

謄錄監生

臣

劉堦

欽定四庫全書

閩風集卷六

宋 舒岳祥 撰

七言律詩

詠紫荊花

自古惟聞棠棣詠後人多感紫荊回固知天理隨機觸
亦本詩人起興來枯條誰綴桃花米嫩蕊初接撒酒媒
野老門前栽一樹纔開桐角此花開

登樓

千年日月藏丹鼎萬里乾坤著白頭落木斷虹天渺渺
閒雲倦鳥日悠悠開門白海通諸島極目青山是別州
我欲便騎黃鶴去回頭還有故鄉愁

和正仲送達善歸錢塘韻

二客論交自有時篆畦相會不相期家如元亮貧更好
學抵申公老未衰好詩甚似無聲畫昏眼羞同沒字碑
買地近來聞闢圃樊侯種稼未為遲

水金蓮

波心隱隱金椎出，只道馮夷先導來。
笑口漸開黃玉甕，丹心初見小蓮胎。
步花想見江妃佩，燒燭那從水殿回。
傳記無聞今始著，莫嫌閑客少詩才。

題巾山翠微

逆水遊鯤去不迴，兩鬢插背尚崔嵬。
月將塔影和峯轉，風作潮花入寺來。
星斗四垂雙闕壯，乾坤一覽八牕開。
山僧高卧還知否，人世如今換劫灰。

梨花

新葉輕柔宜與藉芳心疎散不須茸象床骨冷驚春夢
霧閣神清怯曉風雨裏多情危有淚月中澄瑩望如空
清明寒食人何處金谷昭陽事不同

牽牛花

井中深碧斯為最繡蝶紅蜻宿近枝巧補疎籬陰漠漠
善緣高竹實纍纍滿承秋露瑤杯瑩半斂朝陽翠袖歌
入藥性寒君莫棄良醫疎滯用隨宜

石上種劒蒲其脊成矣非陶隱居所謂溪蓀者

耶

崑山片玉天生潤鴈蕩移來手自栽
禪客久親清少病
山童勤拂淨無埃
葉端灑灑通心露
根畔疎疎引水苔
必有事焉還勿助
此方端自養原來

菖蒲最難養
置而弗省則弗滋
勤勤拂拭則病矣
余性甚嗜之
往往不特人病
苗而苗亦病人矣
講求其法至備
嘗為之作譜書
留南郭楊建處
建攝令黃巖死
於兵無從問矣
端午日尋石

菖蒲偶成一律

多忘昏昏久廢書
閑來石上採菖蒲
瘦鞭走石蛟龍窟
細葉穿苔虎豹鬚
陰洞容光明復晦
乳泉盈坎潤難枯
試拈九節風前嗅
已覺登仙不用扶

六月十一日山窗散愁

平生志大孔文舉
牢落依然不可羈
茨闔小窓巢燕子
菰蒲新雨試鵝兒
胷襟大悶書不讀
口吻微吟人未知
安得一簑江海去
持螯作鱸卧鷗夷

賦眼昏

不為吟哦苦苦頻老逢憂患損精神見人依約近方省
認字微茫久未真漠漠江山渾水墨冥冥草樹隔烟塵
何人解呪楊枝水洗淨從前業障因

次韻正仲秋晚感興

有序

每得正仲秋篇必先鋪叙所見聞不必左史
倚相之讀墳典也蓋古事已有傳之者而新
聞就泯吾懼無述焉儻因此而增長之則咸

淳德祐故老所傳猶可一二不沒也十月十

九日

舉頭無路見長安十月江南有朔寒
岩瀑飛來雲影濕
溪霜著處葉聲乾
相思一夜心先醉
欲話前冬鼻已酸
愛爾和詩添記事
愁來時解錦囊看

次韻荅胡山甫避地述懷時予有結茅馬輿之
意

免迹鹿町便為家
不怕飛騰萬仞崖
此日披榛尋細路

他年買地卜幽齋山風索索鳴林籜野水洄洄汎榛柴
到此冥心齊物理藉茅枕石氏無懷

有感

風雨脩脩花事闌餘寒迤邐麥秋天一春不見飛蝴蝶
幾夜初聞叫杜鵑林外畫眉誰嫵媚花間繡眼自便翻
上林還有嚶鳴否此日春歸一點然

玉毬花

花開壓逕枝堪挽花落鋪堦雪不飄
蠶老蛾成投綠水

香乾蝶散離長條滿地月明濃不掃無人梅落怨難銷
老人別有心中事愧爾投瓜乏報瑤

問信

鳳棲老子近何如骨格峻嶒久病餘新酒得時招近局
小樓無事憶亡書眼昏長道青燈暗頭癢空將短髮梳
昨夜西風吹海動磨刀準擬膾鱸魚

蜜蜂

官課有嚴投急影公衙未退沸繁聲香材聚斂千家圃

兵衛森凝百雉城額上粉輕春尚早
股間金重日初晴
百蟲未敢梅花近唯有渠來蹴雪英

題劉君英石屏

天碑萬古閼嶙峋自我來追此日新
旭日小村鳩喚婦
寒霜疎木鴈來賓
路長橋斷誰家店
天遠舟行何處人
萬頃黃蘆秋色裡是中著我坐垂緇

次韻記馬耳峯舊遊

牙軸珠聯祕籥滕
曉窓開卷見詩朋
曲渠荷葦鳴新雨

深院茶梅響落水山市雪晴邀試酒溪橋月好近燒燈
玉泓不放花流出聞有潛魚解避罾

遊玉澗日俞澤民說潭有潛鯉長數

尺隱見不測樵者見之而釣者莫獲也

次韻酬正仲

絲窠鼠跡鎖書牋老去斯文屬友朋凍芋共煨須熟火
寒菹對嚼欲生冰山深有客傳詩藁庵小無僧上佛燈
西去鄉閭才半里有蛟寒蟄得沉罾

周梅所携正仲再和借書韻見示次韻報之

少日從軍輝綠滕如今一室與雲朋低眉深閉車中婦
背俗空懸木上習何幸傳衣歸六祖莫忘受記出燃燈
相期何止詩篇事大節無虧誓飲冰

七月十五日競傳有鐵騎八百來屠寧海人懼
罹仙居禍僦船入海從鷓鴣夷子遊余在龍舒精
舍事定而後聞之幸免奔竄深有羨于漁家之
樂也作漁父一首

年來避世羨漁郎全載妻兒雲水鄉隔葦鳴榔分細火

帶苔收網曬斜陽一絲寒雨鱸腮紫半箔歸潮蟹斗黃
欲逐鵝夷江海去西風無奈稻花香

次和楊中齋讀閩風菊譜因覓本植齋前韻

為愛寒花晚節香故栽松逕與茅堂壽思園綺眠商嶺
清想夷齊遁首陽俗眼只貪金帶紫

一種黃色而帶紫俗號北紫綃金

丹心惟喜御袍黃先生遠覓陶潛種急作山書寄孟光

端午感懷

曾飲昌陽七十三老來大布當輕衫豫儲當採三年艾

緩計空尋六日蟾
楚俗舊時沉
黍恨唐宮此日賜衣霑
梔香滿院人如玉
尚想薰風半捲簾

正仲入鄞叙懷送別二首

遇事無心心自放
如今心事放尤難
酒開愁緒湯澆雪
書潤枯腸火養丹
欹枕啼鴉分曉色
把杯歸鴈破春寒
君來訪我連朝雨
三日新晴理去鞍

此別未知長與短
一春風雨助淒然
欲隨流水入城去
更繫扁舟話柳邊
芳草斜陽新住蝶
落花飛絮亂啼鴉

鴈蒼山好須回首便見秋風在眼前

正仲有詩因次和再別

好客分明為我來不嫌茅舍似鷄棲歸雲古樹如新畫
久雨蒼崖失舊題別我此行正月盡懷君老眼兩行啼
丈夫出處有常度不為黃金顏色低

夢笑

過盡江山十萬鴻梅花昨夜笑東風客行草樹綿綿外
夢覺烏鷄渺渺中天道難知龜不信人生有恨水無窮

今年厄閏有如此萬事繩牀俯仰空

十二月初八日曉夢歸故園

紅藤枕上到家園花木蕭疎可若干陋巷夕陽人悄悄
舊牆新雨竹娟娟數聲啼鳥春愁破幾點殘星夜話闌
世事旋消還旋積只留青史得千年

野老

野老巢居江上成相親幽事遠浮名近村飲酒携孫去
遠寺尋蘭領犬行麥老秧高關念慮花開果熟有將迎

舊時風俗今誰有見爾令人憶太平

有懷正仲還鴈峯詩

松聲夜半如傾瀑憶坐西齋共不眠一鼓輕雷驚蟄後
細篩微雨落梅天臨流欲渡還休笑送客歸來始惘然
掩卷有誰知此意一窓新綠待啼鵲

戲述任翻詩句酬儲梅癯見和之作

我愛巾山去復迴城中平地起崔嵬前村清景何人占
絕頂新涼幾夜來鶴起露翻松磴響僧吟月上竹房開

任翻鍊得清新字想見斯人百念灰

四月初一日積雨新霽偶成

渺然清興憶江湖縛住此心安破廬新綠池塘魚散子
落紅園徑鳥將雛青梅成後少佳果苦賣出來無好蔬
老疾已艱登陟具誰能為作卧遊圖

挽愛山李德夫

不為時新刺繡紋鵠袍鶴髮自相親襄陽須有漢耆舊
彭澤終為晉隱淪往往名場躋後輩時時相袞問斯人

如今天道平如槩得失榮枯一幻塵

即事

麥熟南風挂衲畦山禽快活曉來啼中分草色柴車路
半壓藤花石步谿茅屋數家深避馬竹林三里遠聞雞
荒村得句將誰贈牆壁還隨即事題

次韻和正仲南風

有客披襟曰快哉豈知元自舜絃來但令酷吏暑先去
足想蒼生愠自開樹影縱橫流院落荷香來往護池臺

公權只賦生涼句不道閭閻正苦哀

十月十八日聞鴈

一聲空杳分千響萬里荒涼月正明共說江南舊來處
還思沙漠遠行程如哀如怨知何事相應相呼也有情
驚起蘆花不成夢江城應是報嚴更

新歷未頒遺民感愴二首貽王達善曹季辯胡
山甫戴帥初諸君皆避地客也

故國山河成斷絕孤臣江海自飄零
牕間取月離離白

樹下窺天碎碎青一鴈不來山驛靜千梅欲動客愁醒
新來未賜王春歷三尺堯階自有堯

寒氣著人身似病世塗多故鬚如銀劫灰今信胡僧說
野燐多應戰鬼新兵甲縱橫滿天地衣冠顛倒走風塵
古今歷數歸仁義河洛圖書屬聖神

自和前韻答達善

一字不輕王達善忽看唾玉落鈎銀共評中說躋尊魏
誰草玄經飾美新大澤深山容避地蓬萊弱水歎揚塵

與君同勘丹經訣長飯青精養谷神

幽幽叢薄無塵到渺渺管茅有露零松曲似腰元自直
潭澄如眼向誰青千愁渙忍那能浣萬事淒迷不欲醒
陰晦終逢開霽日宮槐移影度階墀

再和前韻答達善李辯

屢屢送人征影遠布裘知我涕痕零初愁凍雪無狐白
忽喜晴霄現卯青欲向華山成穩睡不禁楚澤自長醒
桃源自昔無秦歷草木榮枯是瑞蓂

北固漫誇城立鐵錢塘休說浪翻銀江山不改英雄泯
宇宙無窮戰伐新過眼煙花空似錦到頭富貴總成塵
舊時都下逢除夕果食花錫祭竈神

綠陰

野色蒙茸翠羽蓋山光澹蕩碧油幢午煙時引煎茶竈
曉霧還霑讀易窓隱映擲金鶯點點分明藉玉鷺雙雙
莫疑蛇動杯中影一笑開襟釣大江

詠鷓鴣

雙雙遊戲水仙宮著錦衣裳舞鏡空晴浴桃花紅影裡
雨眠蓮葉翠香中文禽自是風情別野鷺休將品格同
寄語虞羅須並取莫令失侶各西東

謝御史王素行免里正之後

繡衣御史當霄立星次周流到上台萬里東隅觀出日
十年幽墊聽驚雷頓令絕學知書貴解使貪官覺賄災
恩及老生何以報只將頌語獻行臺

感懷

時事傳來日日新，信疑相半向誰詢。
一寒一暑成吾老，多雨多愁過却春。
酒畔暫休無限事，花前難買自由身。
百年猶有四十在，須見昇平作幸民。

對紅藥有感

牡丹過後賣芍藥，清曉天街頻叫時。
傳世園林驚自占，有名花草蝶先知。
百年富貴一場夢，千古英雄幾局碁。
世上興亡總如此，我今嘆老復嗟衰。

百合

收拾千紅不上枝
綠莖丹萼稱施為
燈籠翠幹從高揭
火繖流蘇直下垂
文豹番身騰綵仗
赤龍奮爪擺朱旗
莫疑衰老多誇語
漬蜜熬根潤上池

梔子花

六出臺成一寸心
銀盤裏許貯金簪
月中不著蠅點壁
春過翻疑蝶滿林
陸地水光山院靜
炎天冰片石壇深
揚州只說瓊花好
漠漠風沙何處尋

和王達善碧桃詩

有序

正仲賦碧桃舊矣雜之書冊間失其所在偶
閱書見之次和奉呈聞仙桃一實三千年和
詩不妨遲也

石階無罅誰銜子燒地成焦豈復芽千歲分根染天水
單臺五出異朝霞朝紳濟濟水蒼佩仙袂盈盈萼綠華
作記不嫌人事晚來年潤筆到山家

同正仲賦蘋桐彩蝶

守著蘋桐不為香翩如鳳子往來忙徘徊最愛真紅色

搖曳偏垂五彩裳
寧號孟蟬隨鬢衰
莫為鬼蝶幻身藏
惜花却似詩人性
日舞中間夜宿房

一葉

欲排江渚千鴻陣
先舞庭皋一葉秋
細路桑麻高下屋
平湖風雨往來舟
人間酒熟花為客
夢覺殘燈月上樓
故舊凋零我老矣
少年安肯與同遊

枕上聞蛩有感

桑烏催耕緣底事
草蟲促織竟何成
春風秋月祇垂淚

北斗南箕空得名有客悲歌持筑擊何時至治以韶鳴
吾儕吟詠還如此哀樂不知何處生

小閣省心

避地逃名花裏居春風何事轉桑樞退藏小閣收心靜
閑下危階放步徐身到衰時方學道眼當昏處始觀書
一生日力悠悠度總悔從前作計疎

詠蝶

前身曾學昭儀舞時樣工為京兆眉揀盡好枝無可意

倦尋芳草歇多時曉畦霧重狂須減風檻花飛悞與隨
不但蛛絲深著避更知紅袖亦堪疑

春日即事

燈夕花朝都已過石泉槐火又將新故鄉失業荆榛滿
客子長饑雨雪頻底處桃源堪避世何人橘裏得藏身
朝家細核丁黃籍食指雖多無絹銀

次正仲賦桃花韻

紅紅白白好容顏笑日臨風錦裏山且引綵雲來洞口

莫隨流水去人間憶遊夢得嗟重到訪異麟之擬不還
自是劉郎有緣會一千年後重來攀

詠篆畦垂絲海棠

此花最早開未有葉長條下垂花密似錦帶也

奪胎錦帶仍添麗借面芙蓉特太癯睡去不禁春露壓
醉來誰倩曉風扶長條莫恨無新葉纖辭還能著細鬚
火急提魚花下飲明朝千點亂青蕪

正月十四日小園偶坐

天地元從雪後新開簾閑坐看回春謝公夢覺池生草

杜老羹成澗有芹正是泰和嘉氣象好調寒煖養精神
花前不著多憂客百舌何妨報事頻

次韻答達善

道不能鳴假物鳴數篇詩見故人情重經喪亂成南北
多謝交遊訪死生我始欲愁將老至公須少忍待時平
古來毀棄連城壁不恨沈埋百世英

試楊日新筆次韻答戴帥初

聞爾又歸青嶂住四明西畔越東頭山當籬外偏環屋

水到門前總合流得句苦遲難附置懷人不見更登樓
掃除兒女相思話好作閨風十日遊

置傳書郵舍也閨平聲

寄慈林交講師

有意西林尋小隱無田東瀼可隣家聞師投謁不入巷
知我無人能點茶山色一谿連雨色雪花十里糝松花
秋聲正與公相似相對忘言定不差

交師病聾故云

詠密園花

繁枝密密宜樊圃以此能當密園名不信嫩莖藏勁刺

試將纖手觸紅英，毛身秦女自正色。
烏爪麻姑無俗情，方朔竊桃何處入。
只應列子御風行。

攬秋

讀書瞪視眼花亂，力穡作勞足蠶休。
尊俎風流容鴨脚，語言滋味許鴻頭。
蘆根繫艇誰敲火，木末開扉獨攬秋。
壯日貂裘無恙不，浩歌聊為解牢愁。

詠佛見笑

一名錦堂春

錦堂得此添春色，金屋從他著麗人。
老佛見之憐且笑。

少年休以妄為真
梵天寶相宜方駕
海島金沙合效顰
可是好花多刺手
漢濱游女禮防身

蓼花

曾向江湖久釣遊
極憐紅蓼滿汀洲
清秋欲近先開眼
小雨纔鳴急點頭
翡翠忽來機事動
蜻蜓不定晚風遒
拒霜未放萼萼謝
點綴中間一段愁

約平叔高秋泛海

乘桴欲看日生東
借子門前一席風
白石鑿餘雲補穴

青峯開處月浮宮持螯斫鱸萬事足踞殼食蜊千劫空
刺欲作詩招酒社恐君户小趣難同

冬至前一日小史自溪上獻梅四枝寘之書案
奇奇怪怪為賦長句志喜也

中有黃金白玉姝莫欺紅粒綴茱萸曉風吹面成冰腦
夜雪流脂結玉酥凍藥未期春鳥啄寒香不上暖蜂鬚
一生欲壓孤山句囊錦空垂氣浪麤

木芙蓉

溪山瀟灑最宜秋緩步何須百尺樓亂後見花如故舊
老來得酒更風流幽蓀暗折誰知處好鳥一啼人舉頭
欲對黃花開口笑茫然消息也堪愁